

御選
唐宋詩醇

第一函
第八冊



御選唐宋詩醇卷之七

隴西李白詩七

目錄

送楊山人歸嵩山

送殷淑

送范山人歸泰山

送友人

送友人入蜀

送張秀才謁高中丞

徐邊肩先言酉
卷一
餞校書叔雲

與諸公送陳郎將歸衡陽

賦得白鷺鷥送宋少府入三峽

宣州謝朓樓餞別校書叔雲

涇川送族弟錚

送崔氏昆季之金陵

登黃山凌歊臺送族弟溧陽尉濟充泛舟赴

華陰得齊字

送儲邕之武昌

早秋單父南樓酬竇公衡

山中問答

答友人贈烏紗帽

答長安崔少府叔封遊終南翠微寺太宗皇帝
金沙泉見寄

酬崔五郎中

金門答蘇秀才

答高山人兼呈權顧二侯

送南陽白水登石激作

遊南陽清冷泉

尋魯城北范居士失道落蒼耳中見范置酒
摘蒼耳作

遊泰山六首

下終南山過斛斯山人宿置酒

陪從祖濟南太守泛鵲山湖

宿鄭參卿山池

游謝氏山亭

把酒問月

金陵鳳凰臺置酒

陪侍郎叔遊洞庭醉後

夜泛洞庭尋裴侍御清酌

陪族叔刑部侍郎曄及中書賈舍人至遊洞庭

登單父陶少府半月臺

天台曉望

焦山望寥山

杜陵絕句

登太白峰

秋日登揚州西靈塔

登瓦官閣

登梅岡望金陵贈族姪高座寺僧中孚

登金陵鳳凰臺

望廬山瀑布水二首

登廬山五老峰

江上望皖公山

鸚鵡洲

秋登巴陵望洞庭

與夏十二登岳陽樓

登巴陵開元寺西閣贈衡嶽僧方外

與賈舍人至於龍興寺翦落梧桐枝望滄湖

秋登宣城謝朓北樓

望天門山

過崔八丈水亭

之廣陵宿常二南郭幽居

客中行

太原早秋

奔亡道中

荆門浮舟望蜀江

上三峽

自巴東舟行經瞿唐峽登巫山最高峰晚還

題壁

早發白帝城

秋下荆門

江行寄遠

御選唐宋詩醇卷之七

隴西李白詩七

送楊山人歸嵩山

我。有。萬。古。宅。嵩。陽。玉。女。峰。長。留。一。片。月。挂。在。東。溪。
松。爾。去。掇。仙。草。菖。蒲。花。紫。茸。歲。晚。或。相。訪。青。天。騎。
白。龍。

蟠逸氣於短言彌覺奇健

劉辰翁曰超然天地間可以不死豈獨不經人
道哉

送殷淑

灘。痛飲龍筇下。燈青月復寒。醉歌驚白鷺。半夜起沙灘。

送范山人歸泰山

魯客抱白鶴。別余往泰山。初行若片雲。杳在青崖間。高高至天門。日觀近可攀。雲山望不及。此去何時還。

送友人

青山橫北郭。白水遶東城。此地一為別。孤蓬萬里。

征○浮○雲○游○子○意○落○日○故○人○情○揮○手○自○茲○去○蕭○蕭○班○
馬○鳴○

首○聯○整○齊○承○則○流○走○而○下○頸○聯○勁○健○結○有○蕭○散○之○
致○大○匠○運○斤○自○成○規○矩○

沈○德○潛○曰○蘇○李○贈○言○多○唏○噓○語○無○蹶○感○聲○知○古○
人○之○意○在○不○盡○矣○太○白○猶○不○失○斯○旨○

送友人入蜀

見○說○蠶○叢○路○崎○嶇○不○易○行○山○從○人○面○起○雲○傍○馬○頭○
生○芳○樹○籠○秦○棧○春○流○繞○蜀○城○升○沈○應○已○定○不○必○問○

君平。

此五律正宗也。李夢陽曰：疊景者，意必二闊大者，半必細極得。詩家微指此詩領聯承接次句語意奇險五六則穠纖矣。領聯極言蜀道之難五六又見風景可樂以慰征夫。此兩意也。一結翻案更饒勝致。

送張秀才謁高中丞

并序

余時繫潯陽獄中。正讀留侯傳。張秀才孟熊蘊滅胡之策。將之廣陵。謁高中丞。余嘉子房之風。

感激於斯人。因作是詩以送之。

秦帝淪玉鏡。留侯降氛氲。感激黃石老。經過滄海
君。壯士揮金槌。報讎六國聞。智勇冠終古。蕭陳難
與羣。兩龍爭鬪時。天地動風雲。酒酣舞長劍。倉卒
解漢紛。宇宙初倒懸。鴻溝勢將分。英謀信奇絕。夫
子揚清芬。胡月入紫微。三光亂天文。高公鎮淮海。
談笑卻妖氛。採爾幕中畫。戡難光殊勳。我無燕霜
感。玉石俱燒焚。但灑一行淚。臨歧竟何云。

餞校書叔雲

少年費白日。歌笑矜朱顏。不知忽已老。喜見春風還。
還惜別且爲歡。裴回桃李閒。看花飲美酒。聽鳥臨晴山。
向晚竹林寂。無人空閉關。落落有風致。

與諸公送陳郎將歸衡陽

并序

仲尼旅人。文王明夷。苟非其時。聖賢低眉。況僕之不肖者。而遷逐枯槁。固非其宜。朝心不開。暮髮盡白。而登高送遠。使人增愁。陳郎將義風凜然。英思逸發。來下曹城之榻。去邀才子之詩。動

清興於中流。泛素波而徑去。諸公仰望不及。連
章祖之序。慚起子。輒冠名賢之首。作者嗤我。乃
爲撫掌之資乎。

衡山蒼蒼入紫冥。下看南極老人星。迴飈吹散五
峰雪。往往飛花落洞庭。氣清嶽秀有如此。郎將一
家拖金紫。門前食客亂浮雲。世人皆比孟嘗君。江
上送行無白壁。臨期惆悵若爲分。
起擅勝勢

賦得白鷺鷥送宋少府入三峽

白鷺拳一足。月明秋水寒。人驚遠飛去。直向使君

灘。

奇思古調

宣州謝朓樓餞別校書叔雲

棄我去者。昨日之日不可留。亂我心者。今日之日
多煩憂。長風萬里送秋雁。對此可以酣高樓。蓬萊
文章建安骨。中間小謝又清發。俱懷逸興壯思飛。
欲上青天覽日月。抽刀斷水水更流。舉杯銷愁愁
更愁。人生在世不稱意。明朝散髮弄扁舟。

遙情飈豎逸興雲飛杜甫所謂飄然思不羣者此
矣千載而下猶見酒闌岸異之狀真仙才也

吳昌祺曰亦從明遠變化出來

涇川送族弟錡

涇川三百里。若耶羞見之。錦石照碧山。兩邊白鷺
鷺。佳境千萬曲。客行無歇時。上有琴高水。下有陵
陽祠。仙人不見我。明月空相知。問我何事來。盧敖
結幽期。蓬仙振雄筆。繡服揮清詞。江湖發秀色。草
木含榮滋。置酒送惠連。吾家稱白眉。愧無海嶠作。

和選眉少言西
崔氏昆季之金陵
五
敢闕河梁詩。見爾復幾朝。俄然告將離。中流漾彩
鷁。列岸叢金雞。歎息蒼梧鳳。分棲瓊樹枝。清晨各
飛去。飄落天南垂。望極落日盡。秋深暝。媛悲寄情
與流水。但有長相思。

送崔氏昆季之金陵

放歌倚東樓。行子期曉發。秋風渡江來。吹落山上
月。主人出美酒。滅燭延清光。二崔向金陵。安得不
盡觴。水客弄歸櫂。雲帆卷輕霜。扁舟敬亭下。五兩
先飄揚。峽石入水花。碧流日更長。思君無歲月。西

笑阻河梁

筆情蕭爽自是太白本色

登黃山凌歊臺送族弟溧陽尉濟充泛舟赴
華陰得齊字

鸞○乃○鳳○之○族○翔○翔○紫○雲○霓○文○章○輝○五○色○雙○在○瓊○樹○
棲○一○朝○各○飛○去○鳳○與○鸞○俱○啼○炎○赫○五○月○中○朱○曦○爍○
河○隄○爾○從○泛○舟○役○使○我○心○魂○悽○秦○地○無○碧○草○南○雲○
喧○鼓○鼙○君○王○滅○玉○膳○早○起○思○鳴○雞○漕○引○救○關○輔○疲○
人○免○塗○泥○宰○相○作○霖○雨○農○夫○得○耕○犁○靜○者○伏○草○閒○

羣才滿金閨。空手無壯士。窮居使人低。送君登黃
山。長嘯倚天梯。小舟若鳧雁。大舟若鯨鯢。開帆散
長風。舒卷與雲齊。日入半渚晦。蒼然夕煙迷。相思
定何許。杳在洛陽西。

起有奇氣說轉漕處見得關係鄭重數語內包括
頗廣得古人贈言之義送別一段情景並到沈摯
軒豁非大家未易有此

送儲邕之武昌

黃鶴西樓月。長江萬里情。春風三十度。空憶武昌。

城○送○爾○難○爲○別○銜○杯○惜○未○傾○湖○連○張○樂○地○山○逐○泛
舟○行○諾○爲○楚○人○重○詩○傳○謝○朓○清○滄○浪○吾○有○曲○寄○入
權○歌○聲○

健筆凌空如列子御風而行泠然善也

沈德潛曰以古風起法運作長律太白天才不
拘繩墨乃爾

早秋單父南樓酬竇公衡

白○露○見○日○滅○紅○顏○隨○霜○凋○別○君○若○俯○仰○春○芳○辭○秋
條○泰○山○嵯○峨○夏○雲○在○疑○是○白○波○漲○東○海○散○爲○飛○雨

行。公。衡。山。中。問。答。一。十。
公。衡。山。中。問。答。
川。上。來。遙。帷。卻。卷。清。浮。埃。知。君。獨。坐。青。軒。下。此。時。
結。念。同。所。懷。我。閉。南。樓。看。道。書。幽。簾。清。寂。在。仙。居。
曾。無。好。事。來。相。訪。賴。爾。高。文。一。起。予。
首。尾。辭。義。自。相。關。照。中。閒。逸。氣。湧。出。海。之。波。瀾。山。
之。嶙。峴。得。不。嘆。爲。奇。絕。

山。中。問。答

問。余。何。意。栖。碧。山。笑。而。不。答。心。自。閑。桃。花。流。水。窅。
然。去。別。有。天。地。非。人。閒。
自。是。君。身。有。仙。骨。世。人。那。得。知。其。故。

楊萬里曰此李白詩體也

許顛曰賀知章呼太白爲謫仙人余觀此詩信之矣

答友人贈烏紗帽

領得烏紗帽。全勝白接離。山人不照鏡。稚子道相宜。

小有情致

答長安崔少府叔封游終南翠微寺太宗皇帝金沙泉見寄

河伯見海若。傲然誇秋水。小物昧遠圖。寧知通方
士。多君紫霄意。獨往蒼山裏。地古寒雲深。巖高長
風起。初登翠微嶺。復憩金沙泉。踐苔朝霜滑。弄波
夕月圓。飲彼石下流。結蘿宿溪煙。鼎湖夢淥水。龍
駕空茫然。早行子午關。卻登山路遠。拂琴聽霜爰。
滅燭乃星飯。人煙無明異。鳥道絕往返。攀厓倒青
天。下視白日晚。既過石門隱。還唱石潭歌。涉雪攀
紫芳。濯纓想清波。此人不可見。此地君自過。爲余
謝風泉。其如幽意何。

神似謝靈運

訓崔五郎中

朔○雲○橫○高○天○萬○里○起○秋○色○壯○士○心○飛○揚○落○日○空○歎○
息○長○嘯○出○原○野○凜○然○寒○風○生○幸○遭○聖○明○時○功○業○猶○
未○成○奈○何○懷○良○圖○鬱○悒○獨○愁○坐○杖○策○尋○英○豪○立○談○
乃○知○我○崔○公○生○民○秀○緬○邈○青○雲○姿○制○作○參○造○化○託○
諷○含○神○祇○海○嶽○尙○可○傾○吐○諾○中○不○移○是○時○霜○飈○寒○
逸○興○臨○華○池○起○舞○拂○長○劍○四○座○皆○揚○眉○因○得○窮○懽○
情○贈○我○以○新○詩○又○結○汗○漫○期○九○垓○遠○相○待○舉○身○憩○

蓬壺濯足弄滄海。從此凌倒景。一去無時還。朝遊明光宮。暮入閶闔關。但得長把袂。何必嵩邱山。

吳昌祺曰起亦聳拔通首無軟語

金門答蘇秀才

君還石門日。朱火始改木。春草如有情。山中尚含綠。折芳愧遙憶。永路當自勗。遠見故人心。平生以此足。巨海納百川。麟閣多才賢。獻書入金闕。酌醴奉瓊筵。屢忝白雲唱。恭聞黃竹篇。恩光照拙薄。雲漢希騰遷。銘鼎倘云遂。扁舟方渺然。我留在金門。

君去臥丹壑。未果三山期。遙欣一邱樂。玄珠寄象
罔。赤水非寥廓。願狎東海鷗。共榮西山藥。棲巖君
寂滅。處世余龍蠖。良晨不同賞。永日應閑居。烏吟
簷。閒樹花落窗。下書緣溪見。綠篠隔岫窺。紅蕖探
薇行笑歌。眷我情何已。月出石鏡閒。松鳴鳳琴裏。
得。心。自。虛。妙。外。物。空。頽。靡。身。世。如。兩。忘。從。君。老。煙
水。

妙境

寫閒居之況幽靜可愛入後頗窺道妙吐屬亦臻

答高山人兼呈權顧二侯

虹霓掩天光。哲后起康濟。應運生夔龍。開元掃氛
翳。太微廓金鏡。端拱清遐裔。輕塵集高嶽。虛點盛
明意。謬揮紫泥詔。獻納青雲際。讒惑英主心。恩疏
佞臣計。彷徨庭闕下。歎息光陰逝。未作仲宣詩。先
流賈生涕。挂帆秋江上。不爲雲羅制。山海向東傾。
百川無盡勢。我於鴟夷子。相去千餘歲。運闊英達
稀。同風遙執袂。登艫望遠水。忽見滄浪柁。高士何
處來。虛舟渺安繫。衣貌本淳古。文章多佳麗。延引

故鄉人風義未淪替。顧侯遠語默。權子識通蔽。曾
是無心雲。俱爲此留滯。雙萍易飄轉。獨鶴思凌厲。
明晨去瀟湘。共謁蒼梧帝。

直寫胸懷一豁憤。惋稍更騷人面目矣。末路淒婉
猶有楚調。若其骨氣英特。可以直追正始。

游南陽白水登石激作

朝涉白水源。暫與人俗疏。島嶼佳境色。江天涵清
虛。目送去海雲。心閑遊川魚。長歌盡落日。乘月歸
田廬。

赤石石壁諸作有此清境

游南陽清冷泉

惜○彼○落○日○暮○愛○此○寒○泉○清○西○輝○逐○流○水○蕩○漾○遊○子○
情○空○歌○望○雲○月○曲○盡○長○松○聲○

尋魯城北范居士失道落蒼耳中見范置酒

摘蒼耳作

雁○度○秋○色○遠○日○靜○無○雲○時○客○心○不○自○得○浩○漫○將○何○
之○忽○憶○范○野○人○閑○園○養○幽○姿○茫○然○起○逸○興○但○恐○行○
來○遲○城○壕○失○往○路○馬○首○迷○荒○陂○不○惜○翠○雲○裘○遂○爲○

蒼耳欺入門。且一笑。把臂君爲誰。酒客愛秋蔬。山盤薦霜梨。他筵不下筯。此席忘朝飢。酸棗垂北郭。寒瓜蔓東籬。還傾四五酌。自詠猛虎詞。近作十日歡。遠爲千載期。風流自簸蕩。謔浪偏相宜。酣來上馬去。卻笑高陽池。

鍾惺曰：起得空遠若不著題，然相關之妙在此。譚元春曰：入門且一笑，是失路真境。

遊泰山六首

自注：天寶元年四月，從故御道上泰山。

四月上泰山。石屏御道開。六龍過萬壑。澗谷隨縈

迴馬跡繞碧峰。於今滿青苔。飛流灑絕巘。水急松
聲哀。北眺崿嶂奇。傾崖向東摧。洞門閉石扇。地底
興雲雷。登高望蓬瀛。想像金銀臺。天門一長嘯。萬
里清風來。玉女四五人。飄颻下九垓。含笑引素手。
遺我流霞杯。稽首再拜之。自愧非仙才。曠然小宇
宙。棄世何悠哉。

吳昌祺曰筆力矯健亦從景純游仙來

清曉騎白鹿。直上天門山。山際逢羽人。方瞳好容
顏。捫蘿欲就語。卻掩青雲關。遺我鳥跡書。飄然落

巖間其字乃上古讀之了不閑感此三嘆息從師
方未還

琅琅數語真覺飄然欲仙風格最高

平明登日觀舉手開雲關精神四飛揚如出天地
閒黃河從西來窈窕入遠山憑崖攬八極目盡長
空閑偶然值青童綠髮雙雲鬟笑我晚學仙蹉跎
周朱顏躊躇忽不見浩蕩難追攀

白性本高逸復遇偃蹇其胸中磊砢一於詩乎發
之泰山觀日天下之奇故足以舒其曠渺而寫其

塊壘不平之意是篇氣骨高峻而無恢張之象後
三篇狀景奇特而無刻削之迹蓋浩浩落落獨往
獨來自然而成不假人力大家所以異人者在此
若其體近游仙則其寄興云爾

清齋三千日。裂素寫道經。吟誦有所得。眾神衛我
形。雲行信長風。颯若羽翼生。攀崖上日觀。伏檻窺
東溟。海色動遠山。天雞已先鳴。銀臺出倒景。白浪
翻長鯨。安得不死藥。高飛向蓬瀛。
日觀東北傾。兩崖夾雙石。海水落眼前。天光遙空

碧○千○峰○爭○攢○聚○萬○壑○絕○凌○厯○緬○彼○鶴○上○仙○去○無○雲
中○跡○長○松○入○雲○漢○遠○望○不○盈○尺○山○花○異○人○閒○五○月
雪○中○白○終○當○遇○安○期○於○此○鍊○玉○液○

朝○飲○王○母○池○暝○投○天○門○關○獨○抱○綠○綺○琴○夜○行○青○山
閒○山○明○月○露○白○夜○靜○松○風○歇○仙○人○遊○碧○峰○處○處○笙
歌○發○寂○靜○娛○清○暉○玉○真○連○翠○微○想○像○鸞○鳳○舞○飄○颻
龍○虎○衣○捫○天○摘○匏○瓜○恍○惚○不○憶○歸○舉○手○弄○清○淺○誤
攀○織○女○機○明○晨○坐○相○失○但○見○五○雲○飛○

宋史天文志匏瓜五星在離珠北天子果園也

光明則歲豐

下終南山過斛斯山人宿置酒

暮○從○碧○山○下○山○月○隨○人○歸○卻○顧○所○來○徑○蒼○蒼○橫○翠○
微○相○攜○及○田○家○童○稚○開○荆○扉○綠○竹○入○幽○徑○青○蘿○拂○
行○衣○歡○言○得○所○憩○美○酒○聊○共○揮○長○歌○吟○松○風○曲○盡○
河○星○稀○我○醉○君○復○樂○陶○然○其○忘○機○

此篇及春日獨酌春日醉起言志等作逼真泉明遺韻

鍾惺曰起似右丞曲盡星河稀寂然有景

陪從祖濟南太守泛鵲山湖
水入北湖去。舟從南浦回。遙看鵲山轉。卻似送人來。

宿鄭參卿山池

爾○恐○碧○草○晚○我○畏○朱○顏○移○愁○看○楊○花○飛○置○酒○正○相○宜○歌○聲○送○落○日○舞○影○迴○清○池○今○夕○不○盡○杯○留○歡○更○邀○誰○

止是及時行樂之意而吐屬自饒情致

游謝氏山亭

淪老臥江海再歡天地清病閑久寂寞歲物徒芬
榮借君西池遊聊以散我情掃雪松下去捫蘿石
道行謝公池塘上春草颯已生花枝拂人來山鳥
向我鳴田家有美酒落日與之傾醉罷弄歸月遙
欣稚子迎

若非前段不能忘情卻有春風舞雪氣象矣其澄
澹處足兼韋柳

把酒問月
自注故人賈
淳令予問之

青天有月來幾時我今停杯一問之人攀明月不

可○得○月○行○卻○與○人○相○隨○皎○如○飛○鏡○臨○丹○闕○綠○烟○滅○
盡○清○輝○發○但○見○宵○從○海○上○來○寧○知○曉○向○雲○間○沒○白○
兔○擣○藥○秋○復○春○嫦○娥○孤○棲○與○誰○鄰○今○人○不○見○古○時○
月○今○月○曾○經○照○古○人○古○人○今○人○若○流○水○共○看○明○月○
皆○如○此○唯○願○當○歌○對○酒○時○月○光○長○照○金○樽○裏○
奇○思○忽○生○曠○懷○如○見○共○看○明○月○皆○如○此○令○延○之○見○
之○又○當○失○笑○

金陵鳳凰臺置酒

置○酒○延○落○景○金○陵○鳳○凰○臺○長○波○寫○萬○古○心○與○雲○俱○

開借問往昔時。鳳凰爲誰來。鳳凰去已久。正當今。
日迴明君越。羲軒天老坐。三台豪士無。所用彈弦。
醉金壘。東風吹山花。安可不盡杯。六帝沒幽草。深
宮冥綠苔。置酒勿復道。歌鐘但相催。

意在語言之外。其暢適處。正是牢騷處。耳眼前景。
意中事。若隱若顯。風人妙指。

陪侍郎叔遊洞庭醉後

飛。船上齊橈樂。湖心泛月歸。白鷗閑不去。爭拂酒筵

秋。剡。御。君。山。好。平。鋪。湘。水。流。巴。陵。無。限。酒。醉。殺。洞。庭。

吳昌祺曰起是奇語如子美斫卻月中桂也

蕭士贇曰木華海賦鏜臨崖之阜陸夾陂潢而相浚首兩句意出於此鏜與剡義通杜亦曰意欲鏜疊嶂今韻引此詩於剡字之下

夜泛洞庭尋裴侍御清酌

日。晚。湘。水。綠。孤。舟。無。端。倪。明。湖。漲。秋。月。獨。泛。巴。陵。西。過。憩。裴。逸。人。巖。居。陵。丹。梯。抱。琴。出。深。竹。爲。我。彈。

從邊唐言酉
鷓鴣曲盡酒亦傾北窗醉如泥人生且行樂何必
組與珪

譬之於雲有無心出岫之意明湖漲秋月與月湧
大江流同一寫景之妙

楊齊賢曰鷓鴣曲名古琵琶絃用鷓鴣筋

陪族叔刑部侍郎曄及中書賈舍人至遊洞
庭

洞庭西望楚江分水盡南天不見雲日落長沙秋
色遠不知何處弔湘君

卽日傷懷含情無限二十八字不減九辯之哀矣
解者求之於形迹之間何以會其神韻哉

敖英曰綴景宏闊有吞吐湖山之氣落句感慨
之情深矣

蔣仲舒曰與白雲明月弔湘娥參看

鍾惺曰末句正形容秋色遠耳勿誤認作湘君
事

南湖秋水夜無煙。耐可乘流直上天。且就洞庭賒
月色。將船買酒白雲邊。

鍾惺曰寫洞庭寥廓幻杳俱在言外

洞庭湖西秋月輝。瀟湘江北早鴻飛。醉客滿船歌
白芷。不知霜露入秋衣。

唐汝詢曰秋月未沈晨雁已起舟中之客霜露
入衣而不知豈真樂而忘返耶意必有不堪者
在也

帝子瀟湘去不還。空餘秋草洞庭閒。淡掃明湖開
玉鏡。丹青畫出是君山。

登單父陶少府半月臺

陶公有逸興。不與常人俱。築臺像半月。迴向高城隅。置酒望白雲。商飈起寒梧。秋山入遠海。桑柘羅平蕪。水色滌且明。令人思鏡湖。終當過江去。愛此暫踟蹰。

襟懷高曠人如其詩

天台曉望

天台鄰四明。華頂高百越。門標赤城霞。樓棲滄島月。憑高登遠覽。直下見溟渤。雲垂大鵬翻。波動巨鼇沒。風潮爭洶湧。神怪何翕忽。觀奇跡無倪。好道

心不歇。攀條摘朱實。服藥鍊金骨。安得生羽毛。千
春臥蓬闕。

焦山望寥山

石壁望松寥。宛然在碧霄。安得五綵虹。駕天作長
橋。仙人如愛我。舉手來相招。

杜陵絕句

高登杜陵上。北望五陵閒。秋水明落日。流光滅遠
山。

登太白峰

西上太白峰。夕陽窮登攀。太白與我語。爲我開天
關。願乘冷風去。直出浮雲間。舉手可近月。前行若
無山。一別武功去。何時復見還。
亦率胸臆而出。形容峰勢之高奇。語獨造。

秋日登揚州西靈塔

寶塔凌蒼蒼。登攀覽四荒。頂高元氣合。標出海雲
長。萬象分空界。三天接畫梁。水搖金刹影。日動火
珠光。鳥拂瓊簾度。霞連繡棋張。日隨征路斷。心逐
去帆揚。露浴梧楸白。霜催橘柚黃。玉毫如可見。於

此照迷方。

聲色壯麗一經點入情景便覺通體皆靈此亦詩中之金針也

吳昌祺曰凌字讀如凌陰字音此詩有似初唐非太白本色

登瓦官閣

晨登瓦官閣極眺金陵城。鍾山對北戶。淮水入南榮。漫漫雨花落。嘈嘈天樂鳴。兩廊振法鼓。四角吟風箏。杳出霄漢上。仰攀日月行。山空霸氣滅。地古

寒。陰。生。寥。廓。雲。海。晚。蒼。茫。宮。觀。平。門。餘。闐。闐。字。樓。
識。鳳。凰。名。雷。作。百。山。動。神。扶。萬。棋。傾。靈。光。何。足。貴。
長。此。鎮。吳。京。

山空地古一聯撐拄有力小謝和伏武昌詩無此
傑句

登梅岡望金陵贈族姪高座寺僧中孚

鍾山抱金陵。霸氣昔騰發。天開帝王居。海色照宮闕。
羣峰如逐鹿。奔走相馳突。江水九道來。雲端遙
明。沒時遷大運去。龍虎勢休歇。我來屬天清。登覽

窮楚越。吾宗挺禪伯。特秀鸞鳳骨。眾星羅青天。明
者獨有月。冥居順生理。草木不翦伐。煙窗引薔薇。
石壁老野蕨。吳風謝安屐。白足傲履鞅。幾宿一下
山。蕭然忘干謁。談經演金偈。降鶴舞海雪。時聞天
香來。了與世事絕。佳遊不可得。春風惜遠別。賦詩
留巖屏。千載庶不滅。

登金陵鳳凰臺

鳳凰臺上鳳凰遊。鳳去臺空江自流。吳宮花草埋
幽徑。晉代衣冠成古邱。三山半落青天外。二水中

分○白○鷺○洲○總○爲○浮○雲○能○蔽○日○長○安○不○見○使○人○愁○
崔顥題詩黃鶴樓李白見之去不復作至金陵登
鳳凰臺乃題此詩傳者以爲擬崔而作理或有之
崔詩直舉胸情氣體高渾白詩寓目山河別有懷
抱其言皆從心而發卽景而成意象偶同勝境各
擅論者不舉其高情遠意而沾沾吹索於字句之
閒固已蔽矣至謂白實擬之以較勝負并謬爲槌
碎鶴樓等詩鄙陋之談不值一噓也

蕭士贇曰此因懷古而動懷君之思抑亦自傷

從邊唐宋詩西
卷一
三

讒廢望帝鄉而不見乃觸景而生愁亦可哀也
劉辰翁曰其開口雄偉脫落雕飾俱不論若無
後兩句亦不必作出於崔顥而特勝之以此
胡應麟曰崔作及此詩但略點題面未嘗題黃
鶴鳳凰也神韻悠然絕去斧鑿宗元雖好用事
亦閒有一二未若近世之拘

陸賈新語曰邪臣蔽賢猶浮雲之蔽日月也

望廬山瀑布水二首

西登香鑪峰。南見瀑布水。挂流三百丈。噴壑數十

里○歛○如○飛○電○來○隱○若○白○虹○起○初○驚○河○漢○落○半○灑○雲○
天○裏○仰○觀○勢○轉○雄○壯○哉○造○化○功○海○風○吹○不○斷○江○月○
照○還○空○空○中○亂○灑○射○左○右○洗○青○壁○飛○珠○散○輕○霞○流○
沫○沸○穹○石○而○我○樂○名○山○對○之○心○益○閑○無○論○漱○瓊○液○
還○得○洗○塵○顏○且○諧○宿○所○好○永○願○辭○人○閒○
五○六○以○淺○得○工○至○海○風○吹○不○斷○江○月○照○還○空○可○吟○
賞○不○置○矣○

胡仔曰海風二句磊落清壯語簡而意盡

日照香鑪生紫煙○遙看瀑布挂前川○飛流直下三

千尺疑是銀河落九天。

蘇軾曰僕初入廬山有以陳令舉廬山記見示者且行且讀見其中有徐凝和李白詩不覺失笑開元寺主求詩爲作一絕云帝遣銀河一派垂古來惟有謫仙詞飛流濺沫知多少不爲徐凝洗惡詩

登廬山五老峰

廬山東南五老峰。青天削出金芙蓉。九江秀色可攬結。吾將此地巢雲松。

純用古調次句亦秀削天成

江上望皖公山

奇峰出奇雲。秀木含秀氣。清宴皖公山。巉絕稱人意。獨遊滄江上。終日淡無味。但愛茲嶺高。何由討靈異。默然遙相許。欲往心莫遂。待吾還丹成。投跡歸此地。

鸚鵡洲

鸚鵡來過吳江水。江上洲傳鸚鵡名。鸚鵡西飛隴山去。芳洲之樹何青青。煙開蘭葉香風暖。岸夾桃

花錦浪生遷客此時徒極目長洲孤月向誰明

偶書數語覺其對此茫茫百端交集矣

劉辰翁曰猶是鳳臺餘韻情景覺稱此以正平

弔正平者

秋登巴陵望洞庭

清○晨○登○巴○陵○周○覽○無○不○極○明○湖○映○天○光○徹○底○見○秋○
色○秋○色○何○蒼○然○際○海○俱○澄○鮮○山○青○滅○遠○樹○水○綠○無○
寒○煙○來○帆○出○江○中○去○鳥○向○日○邊○風○清○長○沙○浦○山○空○
雲○夢○田○瞻○光○惜○頽○髮○閱○水○悲○徂○年○北○渚○旣○蕩○漾○東○

流自潺湲。郢人唱白雪。越女歌採蓮。聽此更腸斷。
憑厓淚如泉。

寫望中景物與題相稱。次聯卽空水共澄鮮之意。
以下四聯極闊極切細意。尉貼登覽中佳製也。

與夏十二登岳陽樓

樓觀岳陽盡。川迴洞庭開。雁引愁心去。山銜好月
來。雲間連下榻。天上接行杯。醉後涼風起。吹人舞
袖迴。

登巴陵開元寺西閣贈衡嶽僧方外

衡嶽有闡士。五峰秀真骨。見君萬里心。海水照秋月。大臣南溟去。問道皆請謁。灑以甘露言。清涼潤肌髮。明湖落天鏡。香闥凌銀闕。登眺餐惠風。新花期啟發。

語言清妙如霏玉屑

傳燈錄慧可大師宴坐香山一日頭痛空中曰此乃換骨非常痛也師視其頂骨如五峰秀出矣

與賈舍人至於龍興寺翦落梧桐枝望瀘湖

翦落青梧枝。滄湖坐可窺。雨洗秋山淨。林光澹碧。
滋。水閑明鏡轉。雲繞畫屏移。千古風流事。名賢共
此時。

秋登宣城謝朓北樓

江城如畫裏。山曉望晴空。兩水夾明鏡。雙橋落彩
虹。人煙寒橘柚。秋色老梧桐。誰念北樓上。臨風懷
謝公。

風神散朗五六寫出秋意鬱然蒼秀

吳昌祺曰此種白堪把臂元暉

沈德潛曰中閒實寫處正是如畫

望天門山

天門中斷楚江開。碧水東流至北迴。兩岸青山相對出。孤帆一片月邊來。

對結另是一體詞調高華言盡意不盡不得以半律議之

胡應麟曰此及朝辭白帝等作俱極自然洵屬神品足以擅場一代

過崔八丈水亭

高閣橫秀氣清幽併在君簷飛宛溪水窗落敬亭
雲猿嘯風中斷漁歌月裏聞閒隨白鷗去沙上自
爲羣

之廣陵宿常二南郭幽居

綠水接柴門有如桃花源忘憂或假草滿院羅叢
萱冥色湖上來微雨飛南軒故人宿茅宇夕鳥棲
楊園還惜詩酒別深爲江海言明朝廣陵道獨憶
此傾樽

中間氣味與王孟相近

客中行

蘭陵美酒鬱金香。玉碗盛來琥珀光。但見主人能
醉客。不知何處是他鄉。

太原早秋

歲落眾芳歇。時當大火流。霜威出塞早。雲色渡河
秋。夢繞邊城月。心飛故國樓。思歸若汾水。無日不
悠悠。

健舉之至行氣如虹

唐汝詢曰唐人汾上作必用秋風辭太白曰雲

色渡河秋便無蹊徑

奔亡道中

淼○淼○望○湖○水○青○青○蘆○葉○齊○歸○心○落○何○處○日○沒○大○江○
西○歇○馬○傍○春○草○欲○行○遠○道○迷○誰○忍○子○規○鳥○連○聲○向○
我○啼○

荆門浮舟望蜀江

春○水○月○峽○來○浮○舟○望○安○極○正○是○桃○花○流○依○然○錦○江○
色○江○色○綠○且○明○茫○茫○與○天○平○透○迤○巴○山○盡○搖○曳○楚○
雲○行○雪○照○聚○沙○雁○花○飛○出○谷○鶯○芳○洲○卻○已○轉○碧○樹○

御邊唐詩言酉
舟望蜀江
上三峽
三
森森迎流目。浦煙夕揚帆。海月生江陵。識遙火應到渚宮城。

上三峽

巫山夾青天。巴水流若茲。巴水忽可盡。青天無到時。三朝上黃牛。三暮行太遲。三朝又三暮。不覺鬢成絲。

質處似古謠。惟其所之皆可以相肖也。爽直之氣自是本色。

田雯曰青蓮善用古樂府。昔人曾言之於烏啼。

白門柳三朝見黃牛又春風復無情吹我夢魂
散皆自古樂府來如李光弼將郭子儀軍旌旗
改色又如禪僧拈佛祖語信口無非妙諦

自巴東舟行經瞿塘峽登巫山最高峰晚還

題壁

江○行○幾○千○里○海○月○十○五○圓○始○經○瞿○塘○峽○遂○步○巫○山
巔○巫○山○高○不○窮○巴○國○盡○所○歷○日○邊○攀○垂○蘿○霞○外○倚
穹○石○飛○步○凌○絕○頂○極○目○無○纖○煙○卻○顧○失○丹○壑○仰○觀
臨○青○天○青○天○若○可○捫○銀○漢○去○安○在○望○雲○知○蒼○梧○記

從遺唐言西
題壁
早發白帝城
水辨瀛海。周遊孤光晚。歷覽幽意多。積雪照空谷。
悲風鳴森柯。歸途行欲曛。佳趣尙未歇。江寒早啼
猿。松暝已吐月。月色何悠悠。清猿響啾啾。辭山不
忍聽。揮策還孤舟。

於敘次中見寄託詞意沈鬱蓋白當憂患之餘雖
豪邁不減而懷抱可知故言多楚聲吟皆商調中
閒遙情忽往不勝魏闕之戀猿啼月上於邑誰語
其所感深矣其詞斂而不肆讀者以意逆之可也

早發白帝城

朝辭白帝彩雲間，千里江陵一日還。
兩岸猿聲不住，輕舟已過萬重山。

順風揚帆瞬息千里，但道得眼前景色，便疑筆墨閒，亦有神助。三四設色托起，殊覺自在中流。

胡應麟曰：古大家有齊名合德者，當虛心易氣，各舉所長，偏重一隅，便非論篤。況以甲所獨工，形乙所不經意，何異寸木岑樓，鉤金輿羽哉？正如朝辭白帝，乃太白絕中之絕出者，而楊用修舉杜歌行中常語以當之，然則秋興八首求之。

李集可盡得乎李杜二家其才本無優劣但工
部體裁明密有法可尋青蓮興會標舉非學可
至

沈德潛曰入猿聲一句文勢不傷於直畫家布
景設色每於此處用意

秋下荆門

霜○落○荆○門○江○樹○空○
布○帆○無○恙○挂○秋○風○
此○行○不○爲○鱸○
魚○膾○自○愛○名○山○入○剡○中○

輕秀運古入化絕妙好辭

江行寄遠

剡木出吳楚。危槎百餘尺。疾風吹片帆。日暮千里
隔別時。酒猶在已爲異鄉客。思君不可得。愁見江
水碧。

字字真至情至而文亦至

御選唐宋詩醇卷之七

江書局總校董紹舒分校

吳士鎔
鄒在寅

恭校

從選屬夕言酉

夕一

三

御選唐宋詩醇卷之八

隴西李白詩八

目錄

夜泊黃山聞殷十四吳吟

宿鰕湖

蘇臺覽古

越中覽古

峴山懷古

經下邳圯橋懷張子房

金陵

陪宋中丞武昌夜飲懷古

望鸚鵡洲懷禰衡

宿巫山下

金陵白楊十字巷

謝公亭

夜泊牛渚懷古

尋高鳳石門山中元丹邱

月下獨酌

春歸終南山松龕舊隱

尋山僧不遇作

待酒不至

獨酌

友人會宿

春日獨酌二首

金陵江山遇蓬池隱者

山中與幽人對酌

春日醉起言志

廬山東林寺夜懷

尋雍尊師隱居

與史郎中欽聽黃鶴樓上吹笛

對酒

獨坐敬亭山

自遣

訪戴天山道士不遇

秋日與張少府楚城韋公藏書高齋作

憶東山

望月有懷

對酒憶賀監

重憶

效古二首

擬古

感興

秋夕旅懷

尋陽紫極宮感秋作

秋夕書懷

荆州賊平臨洞庭言懷作

江南春懷

聽蜀僧濬彈琴

初出金門尋王侍御不遇詠壁上鸚鵡

觀元丹邱坐巫山屏風

見野草中有曰白頭翁者

流夜郎題葵葉

瑩禪師房觀山海圖

白鷺鷥

詠桂

巫山枕障

勞勞亭

嘲魯儒

春夜洛城聞笛

宣城見杜鵑花

白田馬上聞鶯

三五七言

雜詩

寄遠

長門怨

陌上贈美人

閨情

怨情

湖邊採蓮婦

怨情

代寄情楚辭體

學古思邊

別內赴徵

自代內贈

越女詞

巴女詞

自溧水道哭王炎

哭宣城善釀紀叟

題舒州司空山瀑布

上清寶鼎詩

土部寶鼎

國論世同空山

興宣其善則

自樂水能

可文

可文

可文

可文

御選唐宋詩醇卷之八

隴西李白詩八

夜泊黃山聞殷十四吳吟

昨夜誰爲吳會吟。風生萬壑振空林。龍驚不敢水中臥。猿嘯時聞巖下音。我宿黃山碧溪月。聽之卻罷松間琴。朝來果是滄洲逸。酤酒醜盤飯霜栗。半酣更發江海聲。客愁頓向杯中失。

宿鰕湖

雞鳴發黃山。暝投鰕湖宿。白雨映寒山。森森似銀

竹○提○攜○採○鋤○客○結○荷○水○邊○沐○半○夜○四○天○開○星○河○爛○
人○目○明○晨○大○樓○去○岡○隴○多○屈○伏○當○與○持○斧○翁○前○溪○
伐○雲○木○

奇○句○天○成○非○關○削○琢

蘇臺覽古

舊○苑○荒○臺○楊○柳○新○菱○歌○清○唱○不○勝○春○只○今○惟○有○西○
江○月○曾○照○吳○王○宮○裏○人○

越中覽古

越○王○句○踐○破○吳○歸○戰○士○還○鄉○盡○錦○衣○宮○女○如○花○滿

春殿只今惟有鷓鴣飛。

前蘇臺覽古通首言其蕭索而末一語兜轉其盛此首從盛時說起而末句轉入荒涼此立格之異也。

峴山懷古

訪古登峴首。憑高眺襄中。天清遠峰出。水落寒沙空。弄珠見遊女。醉酒懷山公。感歎發秋興。長松鳴夜風。

經下邳圯橋懷張子房

子房未虎嘯破產不爲家。滄海得壯士。椎秦博浪沙。報韓雖不成。天地皆振動。潛匿遊下邳。豈曰非智勇。我來圮橋上。懷古欽英風。惟見碧流水。曾無黃石公。歎息此人去。蕭條徐泗空。凜然英鷲之氣。筆落驚風雨。此足當之。

鍾惺曰：智勇二字，可作留侯世家小贊。

吳昌祺曰：東楚謂橋爲圮，圮下加橋，誤也。

金陵

六代興亡國。三杯爲爾歌。苑方秦地少。山似洛陽

原书缺页

原书缺页

昨夜巫山下。猿聲夢裏長。桃花飛綠水。三月下瞿塘。雨色風吹去。南行拂楚王。高邱懷宋玉。訪古一霑裳。

嚴羽曰律詩有徹首尾不對者皆文從字順音韻鏗鏘盛唐諸公有此體此篇及長信宮牛渚懷古是也

金陵白楊十字巷

白楊十字巷。北夾湖溝道。不見吳時人。空生唐年草。天地有反覆。宮城盡傾倒。六帝餘古邱。樵蘇泣

遺老

謝公亭

自注蓋謝眺
范雲之所游

謝公離別去。風景每生愁。客散青天月。山空碧水流。池花春映日。窗竹夜鳴秋。今古一相接。長歌懷舊遊。

吳昌祺曰通體完渾

夜泊牛渚懷古

自注此地即謝尚
聞袁宏咏史處

牛渚西江夜。青天無片雲。登舟望秋月。空憶謝將軍。余亦能高詠。斯人不可聞。明朝挂帆席。楓葉落

紛紛。

白天才超邁絕去町畦其論詩以興寄爲主而不屑屑於排偶聲調當其意合真能化盡筆墨之迹迥出塵壒之外司空圖云不著一字盡得風流嚴羽云鏡中之花水中之月羚羊挂角無迹可求論者以此詩及孟浩然望廬山一篇當之蓋有以窺其妙矣羽又云味在酸醎之外吟此數過知其善於名狀矣

吳昌祺曰長信猶有對起此篇全散如海鶴凌

徐邊唐宋詩選 卷八 丹邱
空不必鸞鳳之苞彩

田雯曰青蓮作近體如作古風一氣呵成無對
待之跡有流行之樂境地高絕

尋高鳳石門山中元丹邱

尋○幽○無○前○期○乘○興○不○覺○遠○蒼○厓○渺○難○涉○白○日○忽○欲
晚○未○窮○三○四○山○已○歷○千○萬○轉○寂○寂○聞○猿○愁○行○行○見
雲○收○高○松○來○好○月○空○谷○宜○清○秋○溪○深○古○雪○在○石○斷
寒○泉○流○峰○巒○秀○中○天○登○眺○不○可○盡○丹○邱○遙○相○呼○顧
我○忽○而○晒○遂○造○窮○谷○閒○始○知○靜○者○閑○留○歡○達○永○夜○

清曉方言還。

鍾惺曰乘興而來興盡而返只是此起五字意然如此說不殺風景

月下獨酌

花閒一壺酒。獨酌無相親。舉杯邀明月。對影成三人。月既不解飲。影徒隨我身。暫伴月將影。行樂須及春。我歌月裴回。我舞影零亂。醒時同交歡。醉後各分散。永結無情遊。相期邈雲漢。

千古奇趣從眼前得之爾時情景雖復潦倒終不

勝其曠達陶潛云揮杯勸孤影白意本此
三月咸陽城千花晝如錦誰能春獨愁對此徑須
飲窮通與修短造化夙所稟一樽齊死生萬事固
難審醉後失天地兀然就孤枕不知有吾身此樂
最爲甚

置之陶飲酒中真趣正復相似

春歸終南山松龕舊隱

我來南山陽事事不異昔卻尋溪中水還望巖下
石薔薇緣東窗女蘿繞北壁別來能幾日草木長

數尺。且復命酒樽。獨酌陶永夕。

尋山僧不遇作

石徑入丹壑。松門閉青苔。閑階有鳥迹。禪室無人
開。窺窗見白拂。挂壁生塵埃。使我空歎息。欲去仍
裴回。香雲徧山起。花雨從天來。已有空樂好。况聞
青猿哀。了然絕世事。此地方悠哉。

客不欲去。僧復何之。嘆息之意。於後半見之。

待酒不至

玉壺繫青絲。沽酒來何遲。山花向我笑。正好銜杯

和選眉元言西
酒不至 獨酌
時晚酌東窗下。流鶯復在茲。春風與醉客。今日乃相宜。

世人皆以豪放待白。豈知其靜妙。乃爾。

獨酌

春草如有意。羅生玉堂陰。東風吹愁來。白髮坐相侵。獨酌勸孤影。閑歌面芳林。長松爾何知。蕭瑟爲誰吟。手舞石上月。膝橫花閒琴。過此一壺外。悠悠非我心。

閒適諸篇大概與陶近似。非有意擬古。其自然處。

合以天耳

友人會宿

滌○蕩○千○古○愁○留○連○百○壺○飲○良○宵○宜○清○談○皓○月○未○能○
寢○醉○來○卧○空○山○天○地○卽○衾○枕○

春日獨酌二首

東○風○扇○淑○氣○水○木○榮○春○暉○白○日○照○綠○草○落○花○散○且○
飛○孤○雲○還○空○山○眾○鳥○各○已○歸○彼○物○皆○有○託○吾○生○獨○
無○依○對○此○石○上○月○長○醉○歌○芳○菲○

我○有○紫○霞○想○緬○懷○滄○洲○閒○思○對○一○壺○酒○澹○然○萬○事○

從邊眉笑詩酉
卷八
酌
金陵江上遇蓬池隱者

閑橫琴倚高松。把酒望遠山。長空去鳥沒。落日孤雲還。但恐光景晚。宿昔成秋顏。

金陵江上遇蓬池隱者

自注時於落星石上以紫綺裘換酒為歡

心愛名山遊。身隨名山遠。羅浮麻姑臺。此去或未返。遇君蓬池隱。就我石上飯。空言不成歡。強笑惜日晚。綠水向雁門。黃雲蔽龍山。歎息兩客鳥。裴回吳越閒。共語一執手。留連夜將久。解我紫綺裘。且換金陵酒。酒來笑復歌。興酣樂事多。水影弄月色。清光奈愁何。明晨挂帆席。離恨滿滄波。

白雖徘徊吳越非忘情國家者偶然觸發不覺流露篇中亦喜得此健句撐拄

山中與幽人對酌

兩人對酌山花開。一杯一杯復一杯。我醉欲眠卿且去。明朝有意抱琴來。

用成語妙如已出前二句古調後二句諧拗體正格

春日醉起言忘

處世若大夢。胡爲勞其生。所以終日醉。頽然卧前

行邊居士言醉
名入
醉起言志
東林寺夜懷
大
楹覺來盼庭前一鳥花閒鳴借問此何時春風語
流鶯感之欲歎息對酒還自傾浩歌待明月曲盡
已忘情

蕭士贇曰太白此詩擬陶之化也

吳昌祺曰有感時之思而不覺自得於酒有高
歌之興而不覺遽忘其情此意正佳

廬山東林寺夜懷

我尋青蓮宇獨往謝城闕霜清東林鐘水白虎溪
月天香生虛空天樂鳴不歇宴坐寂不動大千入

毫髮湛然冥真心。曠劫斷出沒。

法藏碎金曰：靜勝境中有自然清氣，名曰天香。自然清意，名曰天樂。

尋雍尊師隱居

羣峭碧摩天。逍遙不記年。撥雲尋古道，倚石聽流泉。花暖青牛卧，松高白鶴眠。雨來江色暮，獨自下寒煙。

一結擅勝神韻悠然

吳昌祺曰：此種甚與襄陽相似

與史郎中欽聽黃鶴上吹笛

一為遷客去長沙。西望長安不見家。黃鶴樓中吹玉笛。江城五月落梅花。

淒切之情見於言外有含蓄不盡之致至於落梅笛曲點用入化論者乃紛紛爭梅之落與不落豈非癡人前不得說夢耶

樂府解題曰梅花落笛曲也自宋鮑照以下常為之

對酒

勸君莫拒杯。春風笑人來。桃李如舊識。傾花向我
開。流鶯啼碧樹。明月窺金罍。昨日朱顏子。今日白
髮催。棘生石虎殿。鹿走姑蘇臺。自古帝王宅。城闕
閉黃埃。君若不飲酒。昔人安在哉。

獨坐敬亭山

眾鳥高飛盡。孤雲獨去閑。相看兩不厭。只有敬亭
山。

宛然獨坐神理胡。應麟謂絕句貴含蓄。此詩太分
曉。非善說詩者。

自遣

對酒不覺暝。落花盈我衣。醉起步溪月。鳥還人亦稀。

訪戴天山道士不遇

犬吠水聲中。桃花帶雨濃。樹深時見鹿。溪午不聞鐘。野竹分青靄。飛泉挂碧峰。無人知所去。愁倚兩三松。

自然深秀似王維集中高作視孟浩然尋梅道士詩華實俱勝

秋日與張少府楚城韋公藏書高齋作

日下宿庭暮。城荒古跡餘。地形連海盡。天影落江
虛。舊賞人雖隔。新知樂未疏。彩雲思作賦。丹壁閒
藏書。楂擁隨流葉。萍開出水魚。夕來秋興滿。回首
意何如。

氣體極似杜甫飛星過水白落月動沙虛句法相
似亦稱雙璧

憶東山

不向東山久。薔薇幾度花。白雲還自散。明月落誰

家。

吳昌祺曰後二句卽明月獨舉白雲誰侶之意

望月有懷

清泉映疏松。不知幾千古。寒月搖清波。流光入窗戶。對此空長吟。思君意何深。無因見安道。興盡愁人心。

對酒憶賀監

并序

太子賓客賀公於長安紫極宮一見余呼余爲謫仙人因解金龜換酒爲樂歿後對酒悵然有

懷而作是詩。

狂客歸四明。山陰道士迎。敕賜鏡湖水。爲君臺沼
榮。人亡餘故宅。空有荷花生。念此杳如夢。淒然傷
我情。

白於知章有知己之感對酒傷懷不減西州一慟

重憶

欲向江東去。定將誰舉杯。稽山無賀老。卻擢酒船
回。

裴敬墓碑曰予過當塗訪翰林舊宅於浮圖寺

化成之僧得翰林自寫訪賀監不遇詩云東山
無賀老却棹酒船回味之不足重之爲寶

效古二首

朝入天苑中。謁帝蓬萊宮。青山映輦道。碧樹搖蒼
空。謬題金閨籍。得與銀臺通。待詔奉明主。抽毫頌
清風。歸時落日晚。躑躅浮雲驄。人馬本無意。飛馳
自英雄。入門紫鴛鴦。金井雙梧桐。清歌弦古曲。美
酒沽新豐。快意且爲樂。列筵坐羣公。光景不可留。
生世如轉蓬。早達勝晚遇。羞比垂釣翁。

自古有秀色。西施與東鄰。蛾眉不可妬。况乃效其
矚。所以尹婕妤。羞見邢夫人。低頭不出氣。塞默少
精神。寄語無鹽子。如君何足珍。

凡效古擬古之作皆非空言必中有所感藉以寄
意故質言之不得則以寓言明之正言之不得則
反其辭以見意白之高曠豈沾沾以早達自喜誇
蛾眉而嗤醜女者哉刺之深諷之微也真得古樂
府之遺讀者以意逆志得其言外之旨可也

擬古

青天何歷歷。明星如白石。黃姑與織女。相去不盈尺。銀河無鵲橋。非時將安適。閨人理紈素。遊子悲行役。瓶冰知冬寒。霜露欺遠客。客似秋葉飛。飄飄不言歸。別後羅帶長。愁寬去時衣。乘月託宵夢。因之寄金微。

蕭士贇曰此篇傷時窮兵黷武行役無期度男女怨曠不得遂其室家之情感時而悲者焉

梅鼎祚曰古詩相去日以遠衣帶日以緩太白約其語曰別後羅帶長所謂延年善減

唐地理志羈縻州金微都督府隸安北都護府
長繩難繫日。自古共悲辛。黃金高北斗。不惜買陽
春。石火無留光。還如世中人。卽事已如夢。後來我
誰身。提壺莫辭貧。取酒會四鄰。仙人殊恍惚。未若
醉中眞。

後來我誰身。鑄爲奇句巧。不累理。

月○色○不○可○掃○客○愁○不○可○道○玉○露○生○秋○衣○流○螢○飛○百
草○日○月○終○銷○毀○天○地○同○枯○槁○螻○蛄○啼○青○松○安○見○此
樹○老○金○丹○寧○誤○俗○昧○者○難○精○討○爾○非○千○歲○翁○多○恨

行遊屣言西
卷八
去世早。飲酒入玉壺。藏身以爲寶。
起句妙語天然。不由思索而得。

蕭士贇曰。太白素志學仙。此是反古詩中服食
求神仙。多爲藥所誤之意。猶反騷云。

生者爲過客。死者爲歸人。天地一逆旅。同悲萬古
塵。月兔空搗藥。扶桑已成薪。白骨寂無言。青松豈
知春。前後更歎息。浮雲安足珍。
涉江弄秋水。愛此荷花鮮。攀荷弄其珠。蕩漾不成
圓。佳人綵雲裏。欲贈隔遠天。相思無由見。悵望涼

風前。

蕭士贇曰：喻賢者慕君始得位而害之者至欲有獻而爲讒所間也。辭微意顯，怨而不誹。

去。去。復。去。去。辭。君。還。憶。君。漢。水。旣。殊。流。楚。山。亦。此。分。人。生。難。稱。意。豈。得。長。爲。羣。越。燕。喜。海。日。燕。鴻。思。朔。雲。別。久。容。華。晚。琅。玕。不。能。飯。日。落。知。天。昏。夢。長。覺。道。遠。望。夫。登。高。山。化。石。竟。不。返。

漢代五言雖辭多質，直然如十九首之類，各具機杼，變化不測，非盡無作用者也。陸機江淹擬古善。

矣論者謂如搏猛虎捉生龍急與之較而力不暇
誠爲氣格悉敵白之諸作體雖仿古意乃自運其
才無所不有故辭意出入魏晉而大致直媿西京
正不必拘拘句比字擬以求之又其辭多有寄託
當以意會正不必處處牽合如舊註所云也

蕭士贇曰此其太白去國之時所作乎身在江
湖心居魏闕懷君憂國之意藹然見於言表未
言雖隔絕遠方而愛君之心猶石之堅也悲夫
唐汝詢曰前篇擬涉江采芙蓉此擬行行重行

行也皆自鮑謝中來非盡十九首風格

感興

裂素持作書。將寄萬里懷。眷眷待遠信。竟歲無人來。征鴻務隨陽。又不爲我棲。委之在深篋。蠹魚壞其題。何如投水中。流落他人開。不惜他人開。但恐生是非。

嘉穀隱豐草。草深苗且稀。農夫既不異。孤穗將安歸。常恐委疇隴。忽與秋蓬飛。烏得薦宗廟。爲君生光輝。

前篇情意纏綿次篇比興深厚辭旨醇正直逼漢人

秋夕旅懷

涼○風○度○秋○海○吹○我○鄉○思○飛○連○山○去○無○際○流○水○何○時○
歸○目○極○浮○雲○色○心○斷○明○月○暉○芳○草○歇○柔○豔○白○露○催○
寒○衣○夢○長○銀○漢○落○覺○罷○天○星○稀○含○悲○想○舊○國○泣○下○
誰○能○揮○

晉宋間有此清機齊梁間無此逸氣

尋陽紫極宮感秋作

何○處○聞○秋○聲○
脩○脩○北○窗○竹○
迴○薄○萬○古○心○
攬○之○不○盈○
掬○靜○坐○觀○眾○妙○
浩○然○媚○幽○獨○
白○雲○南○山○來○
就○我○檐○
下○宿○
懶○從○唐○生○決○
羞○訪○季○主○卜○
四○十○九○年○非○
一○往○
不○可○復○
野○情○轉○蕭○灑○
世○道○有○翻○復○
陶○令○歸○去○來○
田○
家○酒○應○熟○

劉辰翁曰其自然不可及矣東坡和此終涉擬議

譚元春曰取太白詩貴以幽細之語補其輕快有餘之失似此卽妙矣

秋夕書懷

北風吹海鴈南渡。落寒聲。感此瀟湘客。淒其流浪。
情海懷結滄洲。霞想遊赤城。始探蓬壺事。旋覺天
地輕。澹然吟高秋。閑卧瞻太清。蘿月掩空幕。松霜
結前楹。滅見息羣動。獵微窮至精。桃花有源水。可
以保吾生。

亦所謂工於發端者。滅見息羣動二語頗有見地。
荆州賊平臨洞庭言懷作

修蛇橫洞庭。吞象臨江島。積骨成巴陵。遺言聞楚

老水窮三苗國地窄三湘道歲宴天崢嶸時危人
枯槁思歸阻喪亂去國傷懷抱郢路方邱墟章華
亦傾倒風悲猿嘯苦木落鴻飛早日隱西赤沙月
明東城草關河望已絕氛霧行當掃長叫天可聞
吾將問蒼昊
幽鬱之衷沈雄之氣可云程形賦音

江南春懷

青春幾何時黃鳥鳴不歇天涯失鄉路江外老華
髮心飛秦塞雲影滯楚關月身世殊爛漫田園久

燕沒歲宴何所從。長歌謝金闕。

聽蜀僧濬彈琴

蜀僧抱綠綺。西下峨眉峰。爲我一揮手。如聽萬壑松。客心洗流水。餘響入霜鐘。不覺碧山暮。秋雲暗幾重。

纍纍如貫珠。泠泠如叩玉。斯爲雅奏清音。

初出金門尋王侍御不遇詠壁上鸚鵡

飛。落羽辭金殿。孤鳴咤繡衣。能言終見棄。還向隴西

楊齊賢曰太白自况也

觀元丹邱坐巫山屏風

昔遊三峽見巫山。見畫巫山宛相似。疑是天邊十二峰。飛入君家彩屏裏。寒松蕭瑟如有聲。陽臺微茫如有情。錦衾瑤席何寂寂。楚王神女徒盈盈。高咫尺如千里。翠屏丹岸燦如綺。蒼蒼遠樹圍荆門。歷歷行舟泛巴水。水石潺湲萬壑分。煙光草色俱氛氲。溪花笑日何年發。江客聽猿幾歲聞。使人對此心緬邈。疑入嵩邱夢綵雲。

行遊屐夕言西
卷八
頭翁
流夜郎題葵葉
三
題畫詩杜多沈著李白飄逸

見野草中有曰白頭翁者

醉入田家去。行歌荒野中。如何青草裏。亦有白頭翁。
折取對明鏡。宛將衰鬢同。微芳似相誚。留恨向東風。

結意刻深卻有風致

譚元春曰徑似高岑

流夜郎題葵葉

慙君能衛足。嘆我遠移根。白日如分照。還歸守故

園。

瑩禪師房觀山海圖

真僧閉精宇。滅跡含達觀。列嶂圖雲山。攢峰入霄漢。丹崖森在目。清晝疑卷幔。蓬壺來軒窗。瀛海入几案。煙濤爭噴薄。島嶼相凌亂。征帆飄空中。瀑水灑天半。崢嶸若可陟。想像徒盈嘆。杳與真心冥。遂諧靜者翫。如登赤城裏。揭步滄洲畔。卽事能娛人。從茲得消散。圖與觀圖者。色色並到。

白鷺鷥

白鷺下秋水。孤飛如墜霜。心閑且未去。獨立沙洲
榜。

詠桂

世人種桃李。皆在金張門。攀折爭捷徑。及此春風
暄。一朝天霜下。榮耀難久存。安知南山桂。綠葉垂
芳根。清陰亦可託。何惜樹君園。

雖託喻以達情。亦可令植私者。通身汗下。有關世
道不淺。

巫山枕嶂

巫山枕嶂畫高邱。白帝城邊樹色秋。朝雲夜入無
行處。巴水橫天更不流。

勞勞亭

天下傷心處。勞勞送客亭。春風知別苦。不遣柳條
青。

二十字無不刺骨

譚元春曰古之傷心人豈是尋常哀樂

嘲魯儒

魯叟談五經。白髮死章句。問以經濟策。茫如墜煙霧。
足著遠遊履。首戴方山巾。緩步從直道。未行先起塵。
秦家丞相府。不重褒衣人。君非叔孫通。與我本殊倫。
時事且未達。歸耕汶水濱。

儒不可輕。若死於章句而不達時事。則貌爲儒而已。
漢宣帝所謂俗儒不達時宜。叔孫通所謂鄙儒。施之此人則可矣。不然以儒爲戲。豈可訓哉。

春夜洛城聞笛

誰家玉笛暗飛聲。散入春風滿洛城。此夜曲中聞

折○柳○何○人○不○起○故○園○情○

與杜甫吹笛七律同意但彼結句與白鶴樓絕句
出以變化不見用事之迹此詩並不翻新深情自
見亦異曲同工也

樂府雜錄曰笛者羌樂也古曲有折楊柳落梅
花

宣城見杜鵑花

蜀國會聞子規鳥宣城還見杜鵑花一叫一迴腸
一斷三春三月憶三巴

如諺如謠。卻是絕句本色。效之則癡矣。或以為杜牧作。亦不類也。

白田馬上聞鶯

黃○鷓○啄○紫○樵○五○月○鳴○桑○枝○我○行○不○記○日○誤○作○陽○春○
時○蠶○老○客○未○歸○白○田○已○繰○絲○驅○馬○又○前○去○捫○心○空○
自○悲○

曲而有直體。深得樂府之意。

三五七言

秋○風○清○秋○月○明○落○葉○聚○還○散○寒○鴉○棲○復○驚○相○思○相○

見知何日。此時此夜難爲情。

哀音促節。淒若繁絃。

楊齊賢曰。古無此體。自太白始。

雜詩

白日與明月。晝夜尙不閑。况爾悠悠人。安得久世
間。傳聞海水上。乃有蓬萊山。玉樹生綠葉。靈仙每
登攀。一食駐玄髮。再食留紅顏。吾欲從此去。去之
無時還。

寄遠

行邊唐詩言酉
名八
陽臺隔楚水。春草生黃河。相思無日夜。浩蕩若流
波。流波向海去。欲見終無因。遙將一點淚。遠寄如
花人。

長短春草綠。緣階如有情。卷施心獨苦。抽卻死還
生。覩物知妾意。希君種後庭。閑時當採掇。念此莫
相輕。

花木考曰卷施草名拔心不死楚詞註云卽泉
耳也

魯縞如玉霜。筆題月氏書。寄書白鸚鵡。西海慰離

居○行○數○雖○不○多○字○字○有○委○曲○天○末○如○見○之○開○緘○淚
相○續○淚○盡○恨○轉○深○千○里○同○此○心○相○思○千○萬○里○一○書
直○千○金

三詩皆以古爲化不以摹擬爲工而寄託自遠

長門怨

天○迴○北○斗○挂○西○樓○金○屋○無○人○螢○火○流○月○光○欲○到○長
門○殿○別○作○深○宮○一○段○秋
桂○殿○長○愁○不○記○春○黃○金○四○壁○起○秋○塵○夜○懸○明○鏡○青
天○上○獨○照○長○門○宮○裏○人

御選唐詩言西
卷八
八
閨情
三
寫出清涼奇況所謂善於言愁

胡應麟曰此與江寧西宮怨李則意盡語中王
則意在言外然各有至處大概李寫景入神王
言情造極

陌上贈美人

駿馬驕行踏落花。垂鞭直拂五雲車。美人一笑蹇
珠箔。遙指紅樓是妾家。

閨情

流水去絕國。浮雲辭故關。水或戀前浦。雲猶歸舊

山恨君流沙去。棄妾漁陽間。玉筋夜垂流。雙雙落
朱顏。黃鳥坐相悲。綠楊誰更攀。織錦心草草。挑燈
淚斑斑。窺錦不自識。况乃狂夫還。

起極蒼渾結亦峭健雖帶齊梁格調氣骨自別

怨情

新人如花雖可寵。故人似玉由來重。花性飄揚不
自持。玉心皎潔終不移。故人昔新今尙故。還見新
人有故時。請看陳后黃金屋。寂寂珠簾生網絲。
偶引古辭別出新意怨意不言而顯

湖邊採蓮婦

小姑織白紵。未解將人語。大嫂采芙蓉。溪湖千萬重。長兄行不在。莫使外人逢。願學秋胡婦。貞心比古松。

亦樂府之遺作。勸勉語可以厲俗。比採蓮曲尤為近古。

怨情

美人捲珠簾。深坐顰蛾眉。但見淚痕濕。不知心恨誰。

絕好形容

代寄情楚詞體

君不來兮。徒蓄怨積思而孤吟。雲陽一去已遠隔。
巫山綠水之沈沈。留餘香兮染繡被。夜欲寢兮愁
人心。朝馳余馬於青樓。恍若空而夷。猶浮雲深兮
不得語。卻惆悵而懷憂。使青鳥兮銜書。恨獨宿兮
傷離居。何無情而雨絕。夢雖往而交疏。橫流涕而
長嘆。折芳洲之瑤華。送飛鳥以極目。怨夕陽之西
斜。願爲連根同死之秋草。不作飛空之落花。

約全騷於短韻而辭氣清明意指忠厚非第偶彈

古調

學古思邊

銜○悲○上○隴○首○腸○斷○不○見○君○流○水○若○有○情○幽○哀○從○此○
分○蒼○茫○愁○邊○色○惆○悵○落○日○曛○山○外○接○遠○天○天○際○復○
有○雲○白○雁○從○中○來○飛○鳴○苦○難○聞○足○繫○一○書○札○寄○言○
難○離○羣○離○羣○心○斷○絕○十○見○花○成○雪○胡○地○無○春○暉○征○
人○行○不○歸○相○思○杳○如○夢○珠○淚○濕○羅○衣○

別內赴徵

王命三徵去未還。明朝離別出吳關。白玉高樓看
不見。相思須上望夫山。

自代內贈

寶刀截流水。無有斷絕時。妾意逐君行。纏綿亦如
之。別來門前草。秋巷春轉碧。掃盡更還生。萋萋滿
行跡。鳴鳳始相得。雄鷲雌各飛。遊雲落何山。一往
不見歸。估客發大樓。知君在秋浦。梁苑空錦衾。陽
臺夢行雨。妾家三作相。失勢去西秦。猶有舊歌管。
淒清聞四鄰。曲度入紫雲。啼無眼中人。妾似井底

桃○開○花○向○誰○笑○君○如○天○上○月○不○肯○一○迴○照○窺○錦○不
自○識○別○多○憔悴○深○安○得○秦○吉○了○為○人○道○寸○心

越女詞 自註越中書所見也

長○干○吳○兒○女○眉○目○豔○星○月○屐○上○足○如○霜○不○著○鴉○頭

襪

鏡○湖○水○如○月○耶○溪○女○如○雪○新○妝○蕩○新○波○光○景○兩○奇

絕

巴女詞

巴○水○急○如○箭○巴○船○去○若○飛○十○月○三○千○里○郎○行○幾○歲

歸。

白溧水道哭王炎

王○公○希○代○寶○棄○世○一○何○早○弔○死○不○及○哀○殯○宮○已○秋○
草○悲○來○欲○脫○劍○挂○向○何○枝○好○哭○向○茅○山○雖○未○摧○一○
生○淚○盡○丹○陽○道○

語真情重不求工而自工

哭宣城善釀紀叟

紀○叟○黃○泉○裏○還○應○釀○老○春○夜○臺○無○曉○日○沽○酒○與○何○
人○

和選肩言酉
卷八
題瀑布
上清寶鼎
三

題舒州司空山瀑布

斷崖如削瓜。嵐光破崖綠。
天河從中來。白雲漲川谷。
玉案赤文字。世眼不可讀。
攝身凌青霄。松風拂我足。

西清詩話曰白仙去後有人見其詩者其略如此又云舉袖露條脫招我來反覆真雲煙中語也

上清寶鼎詩

人生燭上花。光滅巧妍盡。
春風遶樹頭。日與花工

進○惟○知○雨○露○貪○不○念○零○落○近○昔○我○飛○骨○時○慘○見○當
塗○墳○青○松○靄○明○霞○縹○緲○上○下○村○既○死○明○月○魄○無○彼
玻○瓈○魂○念○此○一○脫○酒○長○嘯○登○崑○崙○醉○着○鸞○鳳○衣○星
斗○俛○可○捫○

朝○披○夢○澤○雲○笠○釣○青○茫○茫○尋○絲○得○雙○鯉○中○有○三○元
章○篆○字○若○丹○蛇○逸○勢○如○飛○翔○歸○來○問○天○姥○妙○義○不
可○量○金○刀○割○青○素○靈○文○爛○煌○煌○嚙○服○十○二○環○想○見
仙○人○房○暮○跨○紫○鱗○去○海○氣○侵○肌○涼○龍○子○喜○變○化○化
作○梅○花○粧○遺○我○纍○纍○珠○靡○靡○明○月○光○勸○我○穿○絳○縷○

御選唐宋詩醇卷之八
繫作裙間璫。揖余以辭去。談笑聞餘香。

胡仔曰太白此詩云暮跨紫鱗去海氣侵肌涼亦奇語也

蘇軾曰予都下見人攜一紙文書字則顏魯公也墨迹如未乾紙亦新健其詩曰朝披夢澤雲笠釣青茫茫此詩非太白不能道也

御選唐宋詩醇卷之八

浙江書局總校王詒壽分校

吳鳳階
張大昌

恭校